

ze ainer järklicher spend/armen lüten järklich ie ze dem ebenempten jarzit . doch also . daz man/ järklich iemer me mit disem waissen gelt die spend vs richten sol mit / phennerdigem bröten ab dem markt . vnd dz sond alle die tün den / diß jarzit jemer vs zerichtend wirt . vnd die ebenempten fünf schilling / phenning geltz zü der vigili . die gänd ab minem hof in litschans⁵ / da lengli vff sitzet vnd in buwet . Daz ander jarzit . daz hân ich /besetzt ze trost vnd ze hail mir selben vnd Margrethen Bäsingeri- /nen sâligen miner elichen husfrowen . daz wirt ze vssgândem mertzen / ôch ân geuerd . da hin man mich ôch verschriben sol . wenn got vber- / mich gebütet vnd ich nit enbin . an dem âbend ôch mit ainer gesung- /ner vigili vnd mor- nend mit vier messan . darzû hân ich ôch geben /vnd besetzt fünf schilling pfenning ewigs geltz ze der vigili/ ab dem ebenempten minem hoff in Litschans⁵ da henni Lengli vff / sitzet . vnd ain phunt phenning ewigs geltz . och ab dem selben/hof ze ainer spend armen lüten . die mân ôch järklich vsrichten sol / ze disem jarzit mit phennerdigem (!) wissen bröten ab dem Markt . / Disû ietzenempten jarzit baidû sond wir ich vnd min erben iârlich / iemer mē begân vnd versorgen das sû begangen werdint als vor / beschaiden ist . vnd fünf schilling phenning ze ietwederm jarzit / so das geuallet richten vnd geben vnverzogenlich ain ieglichen / Lûtpriester der denn ze veltkirch Lûtpriester / ist . Darzû hân ich ôch bedinget vnd mit disem brief besorget / ob es hie nâch ze künftigen ziten ze schulden kâme . das ob got wil nit / beschehen sol . das ich ald min erben dehains jars vbersâhint mit ge- / vârden vnd disû jarzit nit vsrichtint als ê beschaiden ist . vnd in jars /frist ân geuerd das gelt vnd spend nit / richtend . so sol vnd mag denn / ain lûtpriester der denn ze veltkirch lûtpriester ist . sich der obgenanten / gûter . ab den diß gelt hie verschriben ist vnderwinden . vnd dû gûter / an sich ziehen . besetzen vnd entsetzen ân vnsere vnd ân mengklichs / widerred . vnd sol in daran nieman sûmen noch irren . suß noch / so dehains . weges . vnd alle die wile aber wir disû jarzit began- /gint vnd vsrichtent als vor beschaiden ist . so sol ain Lûtpriester / ze disen gûtern nût ze sprechend hân . Es ist och berett weles jars / ain Lûtpriester ze Veltkirch disû jarzit nit begieng als ê . geschriben / ist vnd sich daran vbersâhe . so sont denne dû jarzit vallen vnd/ geuallen sin mit aller zûgehörd gen sant Johansen ze Veltkirch⁶ / vnd ob sich die denn ôch dehains jars vbersâhint . vnd dû jarzit / nit also begien-